

Chopi - Kuhanyisa Mibhalo - Salvation Scriptures

VaEfesu 2:2 asiya kale mi nga txi hanyela ka sona, mbimo yi mi nga txi londetela minavelo ya ha mafuni hawa, mayelano ni kuranda ka mkoma wu a fumako ka mpfhuka wu wu ku txitimwi ka mafu, i ku moya wu, ni konkuwa, wu thumako hagari ka sindakamilayo.

Matewu 6:10 wu na te kwathu Mfumo wako, ku na mahwe kuranda kwako, amuwa mafuni nga nzumani.

Luka 22:42 "Tata, u txi ti lava, hambukisa digombe diya da mixaniso di txi ya kule ni nani. Aniko, ku nga mahwe kuranda kwangu, ku na mahwe kuranda kwako."

Johane 16:7-9 Aniko ani na mi gela ditshuri: Ndi nene kwanu ku ani ni txi tsula, nguko kunga tiya ni si tsuli, Mthaveleli kha na mbi ta kwanu; kasi ngako ni txi tsula, ni na ya mu rumela kwanu. 8 Senikoko, ene, ngu kuta kwakwe, a na ta konisa ditiko ngu ka txiwonho, ni kululama ni kuabanisa. 9 Ngu ka txiwonho, nguko vona kha va kholwi kwangu;

2 Timoti 2:10 Ngu konaho ni timiselako ka totshe, ngu mhaka ya vasawulwa, kasiku nivona ve mana kuhanyiswa kuwa ku humako ngu ka Jesu Kristu, kumweko ni kupfaliswa ko mbi guma.

VaRoma 15:20,21 I ti kunavela kwangu ka hombe kutxhumayela Evhangeli amu ditina da Kristu di si nziko kuziwa, kasiku ni si thuki ni aka txitimwi ka makhato awa ma nga vekwa ngu mmwane. 21 Ni maha tiya, madingano ni ti ti nga bhalwa taku: "Ava va si nziko kubikelwa mahungu akwe, va na wona; Ni vava va si nziko ku engisa, va na engisia."

Mithumo Ya Vapost 2:36,37 "Ngu konaho, ta laveka ti to yotshe nyumba ya Israyeli yi ti ziva ngu ditshuri da kutsana timhaka tiya: Txizimu txi mu wusile Mkoma ni Mesiya, ene Jesu Kristu wu anu mi nga mu gogotela ha txihambanoni." 37 Ngako vona va di engisile mapswi awa, va to pfa kutholwa timbiluni kwawe. Se ve wotisa ka Pedro ni ka vamwanyane Vapostoli, va txi: "Vanathu, nji txani hi fanelako kumaha kani?"

Hebheru 4:2 Ngukusa, nanathu, hi engisile Evhangeli nga vona; aniko, dipswi di va nga di engisa kha da va vhuna txilo, ngukusa kha va namarela ngu likholo avale va nga di engisa.

Jeremiya 24:7 - Matewu 22:37 Jesu a nje khene kwakwe: " 'Randa Mkoma Txizimu txako, ngu yotshe mbilu yako, ngu wotshe moyo wako ni otshe mapimo ako.'

Mithumo Ya Vapost 16:14 Se mmweyo wa wamsikati, awu a nga ti dhanwa ku i Lidhiya, mxavisi wa tinguwo ta masilika o bhilivila, wa kuta ngu Tiyatira, awu a nga ti ni txithavo ka Txizimu, a titi hi engisela; se Mkoma a to tula mbilu yakwe, kasiku e engisa mapswi awa Paulo a nga ti wombawomba ona.

Matewu 13:14-16 Ti na tatiseka atiya ti nga wombwa ngu mprofeti Isaya, akuwa a nga khene: 'Mi na engisa walo ngu tinzeve, aniko kha mi na mbi ti mana; mi na wona ngu maso, aniko kha mi na mbi ti wonisia.' 15 Nguko timbilu ta vathu vava ti bangile, futsi kambe tinzeve tawe ti tsivekile, maso awe ma vhalekile, kasiku va si woni ngu maso, va si engisi ngu tinzeve, va si pimisi ngu timbilu

tawe, va nga thuka ve hunduluka ve mana kuhanyiswa.” 16 “Kasi i di anu, maso anu ma katekile nguko ma wona, tinzeve tanu nitxona ti katekile nguko ta engisa.

Isaya 6:9,10 - Mithumo Ya Vapost 28:27 Ngukusa mbilu ya vathu vava yi bangile.Va tsivile tinzeve tawe,ve vhala maso awe,kasiku va si woni ngu maso,va si engisi ngu tinzeve,va si ti pfisisi ngu mbilu,kasi vona va si hunduluki.Ani nga ni di va hanyisile!”

Marko - Marku 4:11,12 Se a txi khene kwave: “Anu mi ningilwe kuziva misisalo ya Mfumo wa Txizimu, kasi ka vale va ku hahanze, totshe ti humelela ngu sidinganiso, 12 titaku, ‘Hambi i di kuwona ve wona kambe va si wonisisi; hambi i di kuengisa ve engisa kambe va si pfisisi; kasiku va si thuki ve hunduluka, se ve divalelw siwonho.’ ”

Johane 12:39,40 Ngu konaho, va tandekile kukholwa, ngukusa Isaya a tshumete a txi khene: 40“A phumisile maso awe e bangisa timbilu tawe, kasiku va si woni ngu maso, ni ku va si pimi ngu timbilu tawe, kufela ku va si hunduluki, nani ni si va hanyisi.”

VaRoma 11:7,8 Se hi na txani kani? Atxi Israyeli a nga ti txi lava, kha txi mana, kambe ava va nga sawulwa va txi mani; kasi vamwane va bangisilwe timbilu, 8nga ti ti nga bhalwa taku: “Txizimu txi va ningile moyo wa mphume, ni maso a ku ambi wona, ni tinzeve ta ku ambi engisa, ni nyamsi i ngadi toneto.”

2 VaTesonika 2:10,11 A na thumisa totshe tinzila to biha, ti ti xengako ava va yako klovani, nguko kha va amukela ni kuranda ditshuri, kasiku ve huluswa. 11 Ngu koneho Txizimu txi va lekile ve fumwa ngu mtamo wo xengetela ti to ve tumela ta makuhu;

Matewu 13:18-23 “Ngu konaho engisani khakwati txidanganiso txa mphayi. 19 Ngako mthu a txi engisa dipswi da Mfumo, a si di engisisi, ku ta m'bih a ta fukula asile si nga ti phayilwe mbiluni kwakwe. Awuwa njifananiso txa mbewu ya kuwela ha nzila. 20 Awule a nga amukela mbewu ha wukhaloni ka marigwi, ngu wule a engisako dipswi ngu txikuluveta ni kutsaka, aniko wo ziva ku di amukela ka txonetxo txikhati, 21 kambe ene apune kha na mikuluti, kha tsana: ngako ku txi ta kupandiseka mwendo kuxaniseka ngu mhaka ya dipswi, wa kuluveta e rereka. 22 Awule a nga amukela mbewu hagari ka mipa, ngu wule a engisako dipswi, aniko sithikamezo sa ditiko ni kuxengwa ngu tithomba, sa kama dipswi kasi di si veleki mihando. 23 Ani wule a nga amukela mbewu ka mafu a manene, ngu wule a engisako dipswi, e di veketa; eyo ngene a velekako mihando, ahawa a txi veleka dizana, ahawa mtxhanu wa makumi ni dimwedo, ahawa makumi mararu.”

2 VaKorinto 3:15,16 Inna, kala ni nyamsi, ngako ku txi gondwa timhaka ta Mosi; nguwoyo ya txitsivelo yi ngadi zumbile timbiluni kwave. 16Ngako va di hundulukile ve wuya ka Mkoma, ngu kona nguwo yile ya txitsivelo yi thaviswako.

Oseya 11:3-7 - Matewu 11:28-30 Ngonani kwangu, motshenu mi nga karala, mi nemelwako ngu mrwalo, ani ni na mi humuta. 29 Tekani mpakato wangu, mi txi gonda ngu ngani, ani ni ku wo thutha ni wa mbilu ya ku ti veka hahatshi, mi na mana kuhumula mihefemuloni kwanu. 30 Nguko mpakato wu ni mi ningako wa

hehuka, ani mrwalo wa kona wa rwaleka.”

Mithumo Ya Vapost 26:18 Kasi kuya tula maso awe ni ku va humisa mtemani, ve wuya livaningoni, ni ku va humisa nfumoni ka sathane, ve wuya ka Txizimu, kasiku ve amukela divalelo ya siwonho, ni kuavelwa thomba kumweko ni vasawuleki ngu kukholwa ditinani kwangu.’

2 Timoti 2:24-26 Kasi awu i ku txithumi txa Mkoma kha faneli kulwa mazunga. A fanete kuhanya ngu kuthutha ni votshe vathu, a txi ziva kugondisa, a txi hunisela amu ka sixaniso. 25 U fanete kulaya khakwati ava va kanetako, ngu kurinzela ti to Txizimu txi na va ninga mtamo wa kuhunduluka, 26 ni ku va ninga kambe kutshumela ve wuya ka wuzivi, txi va ponisa ka mlawu wa Sathane, a nga ti va bwetile ngu wona, kasiku ve maha kuranda kwakwe.

Mtuletelo 3:17-19 Nguko u khawe: ‘Ni nyatithombe, ni humelete, kha ni pwati txilo.’ Aniko khu ti zivi ti to ngawe mxaniseki: Nyantshanzale, u txisiwana, u dibhofu, khwa ambala txilo! 18 Na ku laya ti to u ta xava kwangu nzalama yo tshuriswa ngu mndilo, kasiku u txi maha nyatithombe, u xava siambalo so basa, kasiku u ti fenengeta ti to ku si woneki tingana ta wusakato wako, ni mafura o tota maso ako, kasiku u wona. 19 Ani na kawuka ni kutsayisa votshe vava ni va randako. Wuseta kukhutala kwako u hunduluka.

2 VaKorinto 7:10 Ngukusa, kupandiseka kuwa, madingano ni kuranda ka Txizimu, ku vanga kuhunduluka ku ku yisako kuhanyiswani; kha ku ningi kutshumelela msana. Aniko kupandiseka madingano ni kuranda ka mafu, ku vanga lifo.

1 Vafumeli 18:37 - Txizimu turned heart back to Txizimu.

2 VaKorinto 4:4 Ngu vona vale va si kholwiko, ava Txizimu txo biha txa ha mafuni txi nga va maha mabhofu mapimoni kwave, kasiku va si woni liwoningo la Evhangeli ya wudhumo wa Kristu, awu i ku txifananiso txa Txizimu.

Luka 8:11-15 “Aniko txhamuselo ya txidanganiso txiya ngu yiya: Mbewu ngu Dipswi da Txizimu. 12 Ava va ku ha nzila, ngu vale va nga pfa dipswi, se Sathane a ta thavisa dipswi timbiluni kwave, kasi va si kholwi ni kuhanyiswa. 13 Ava va ku ha marigwini, ngu va va nga engisa dipswi, ve di amukela ngu kutsaka, kambe ve pwata mikuluti, va txi tumela ngu mbimoanyana; se ngu mbimo ya txiduko, va rereka. 14 Ati ti nga wela mipani, ngu va va nga engisa dipswi, aniko, va di ngadi ve tsula masoni, va to di leka di kamaretwa ngu kuvilela ni kudhunda tithomba, ni ku ti tsakela ka wutomi wuwa, se va si ngadi ve veka mihando ya kuvitwa. 15 Ati ti nga wela ha mafuni ka kunene, ngu va va nga engisa Dipswi ngu mbilu ya yinene ni yo lulama, ve di xayisa, ve veleka mihando ngu kutimisela.

Mithumo Ya Vapost 15:11 Na kasi ha kholwa ti to hi hanyiswa ngu kateko ya Mkoma Jesu, nga tona ti nivona va kholwisako tona.”

VaRoma 8:13 Ngako mi txi londetela minavelo ya mmidi, mi na fa; kambe ngako mi txi daya mithumo ya mmidi, mi txi teka ya Moya, mi na hanya.